

¡BOMBA!

La respuesta fue madura,
también honesta y valiente;
nadie cuida al delincuente,
sólo no se le captura



K'untzil

Martes 25 de febrero de 2025

CAMPECHE · YUCATÁN · QUINTANA ROO · AÑO 10 · NÚMERO 2425 · www.lajornadamaya.mx

Coneval tu beetaj páayt'aan ti'al ma' u xóot'ol meyaj ti'al u xo'okol u p'iisil óotsil kuxtal yaan

/ p 18

Oochel Reuters



U mola'ayil Consejo Nacional de Evaluación de la Política de Desarrollo Social (Coneval) tu páayt'antaj u Noj Lu'umil México ti'al ma' u xot'ik u meyaj ti'al u chíikbesik tu jach no'ojanil meyajé, bix u p'iisil óotsil kuxtal, bix u beeta'al evaluación yéetel bix u t'u'ulpachta'al política social.

Ti' jump'éeel k'a'aytajil ts'iibe', mola'aye' tu ya'alaj mantats' u meyaj ti'al ma' u xóot'ol p'iisil ku beetik.

Tu jo'olaj éejenta'ak k'eexil ti' a'almajt'aan tu'ux ku sa'atal ukp'éeel autónomo mola'ayo'obe', ichilo'obe' Coneval (u meyajé yaan u máansal tu k'ab Inegie'), Coneval tu ya'alaje' tu jo'olaj 19 ja'ao'obe' tu kanaj u mu'uk'ankúuns u nu'ukil metodología, je'el bix xan ba'ax unaj u ch'a'ajolta'al tumen u noj lu'umil México ti'al u xo'okol tu beel yéetel tu jach no'ojanil bix yanik óotsil kuxtal, wa pobreza.

Tu ya'alaje', Conevale' tu kanaj u yil tu'ux kaajilo'ob yaan óotsil kuxtal yéetel u mediail, le beetik xook ku beetike' noj ba'ale ti'al u yóox jaatsilo'ob jala'ach tumen yéetele' ku béeytal u patjo'oltal, u meyajta'al, u xak'alta'al yéetel u ma'alobkúunsa'al política social.

"Conevale' ku beetik páayt'aan ti'al u jach kaláanta'al ma' u xóot'ol le noj meyaj'obo', kéen k'e'exek a'almajt'aan satik jayp'éeel

mola'ayo'ob", tu ya'alaj.

Beey túuno', Conevale' jump'éeel mola'ay chuka'an ti'al meyaj, ts'o'oke' ku jets'ik yéetel ku coordinartik evaluación yóok'ol política tu noj lu'umil México yaan ba'al u yil yéetel desarrollo social, beyxan le ku beeta'al ti'al políticas, nu'ukbesajo'ob ti'al kaaj, yéetel ba'alo'ob ku beeta'al tumen u mola'ayilo'ob jala'ach.